

Uunga siunnersuut: Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. xx ulloq xx. xxx 2017-imeersoq

(Atuartitsinerup imarisaa, aaqqissuussaaneq, piareersaaneq aamma ilisimasanik katersisarneq pillugit malittarisassanik allannguneq)

§ 1

Atuarfik pillugu Inatsisartut inatsisaanni nr. 15, 3. december 2012-imeersumi imaattunik allannguuteqartitsisoqassaaq:

1. § 10, imm. 1, nr. 2-mi, § 11, imm. 2, nr. 2-mi, § 12, imm. 1, nr. 2-mi aamma § 13, imm. 1, nr. 2-mi ima oqaasertalerneqassapput:

“2) kulturimik inuiaqatigiillu pillugit sammisaqarneq, tassaallutik inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu,”

2. § 10, imm. 1, nr. 5, imatut oqaasertalerneqassaaq:

”5) mernguernartulerinerup iluaniittut, taakkunani ilaallutik atuartitsissutit nerisassanut ilisimasassat, timersorneq tassani ilaalluni silami sammisaqartarneq, nipilersorneq tassani ilaallutik erinarsorneq aamma isiginnaartitsineq, eqqumiitsuliorneq tassanilu ilaallutik illuliortaaseq aamma assassorluni suliat, tassani ilaallutik sananeq aamma assassorneq.”

3. § 10-mi imm. 3-p kingorna imm. 4-tut nutaatut ilanngunneqassaaq:

”Imm. 4. Mernguernartulerinermermi atuartitsinermermi ilanngunneqarsinnaapput kulturimut aamma inooqatigiinnermut tunngasumik ingerlatat.”

Imm. 4-7 taamaasilluni tassaalissaaq imm. 5-8.

4. § 11, imm. 2, nr. 5, imatut oqaasertalerneqassaaq:

”5) mernguernartulerinermermi suliassaqarfimmi ilaasut atuartitsissutit eqqumiitsuliorneq, timersorneq kiisalu atuartitsissutit akimorlugit ingerlatat nipilersornermermi aamma assassorluni suliassat.”

5. § 12, imm. 1, nr. 5 imatut oqaasertalerneqassaaq:

”5) mernguernartulerinermermi ilaapput atuartitsissutit eqqumiitsuliorneq, timersorneq, assassorluni suliassat, nerisassalerineq aamma nipilersorneq.”

6. § 12-imi imm. 2-p kingorna imm. 3-tut nutaatut ilanngunneqassaaq:

”Imm. 3. Atuartitsineq aaqqissuunneqassaaq atuartitsissutini pikkorissarnertut imaluunniit atuartitsissutit akimorlugit ingerlatsinertut, assassotarissani suliassani sananeq aamma assassorneq aamma nipilersornermermi suliassani erinarsorneq aamma isiginnaartitsineq. Sumiiffimmi periarfissat mernguernartulerinermermut tunngasut atuartitsissutini pikkorissarnertut ilanngunneqarsinnaapput.”

Imm. 3 taamaasilluni imm. 4-nngussaaq.

7. § 13, imm. 1, nr. 5 imatut oqaasertalerneqassaaq:

”5) mernguernartulerinermi ilaapput atuartitsissutit timersorneq aamma nerisassalerineq.”

8. § 13-imi imm. 2-p kingorna nutaatut *imm. 3* ilanngunneqassaaq:

” *Imm. 3.* Atuartitsissutit qinigassatut neqeroorutigineqarsinnaapput eqqumiitsuliornermi, assassorluni suliassani aamma nipilersornermi sammisassat. Sumiiffimmi periarfissat mernguernartulerinermi atuartitsissutit qinigassatut neqeroorutigineqarsinnaapput.”

Imm. 3 taamaasilluni imm. 4-nngussaaq.

9. § 14, imm. 2, oqaaseqatigiit siulliit imatut oqaasertalerneqassapput:

” Naalakkersuisut § 10, imm. 1, nr. 1-3-mi atuartitsissutinut eqqaaneqartunut, aamma § 10, imm. 1, nr. 4 aamma 5-imi atuartitsissutinut eqqaaneqartunut ilikkagassatut pilersaarutininik suliaqassapput.”

10. § 18-imi imm. 4-tut ilanngunneqassaaq:

” *Imm. 4.* Kommunalbestyrelsi angajoqqaat isumasioreerlugit aalajangersinnaavoq atuartoq ukiumik atuarfiusumik atuartitaaffigeriikkamini uteqqiilluni atuaqqissasoq, meeqqap ineriartorneranut tunngatillugu aalajangiisuusumik isiginiagassat tamanna pisariaqartippassuk. Assigisaanillu atuartoq pisuni immikkut illuinnartuni ukiumik atuarfiusumik alluisinnaavoq.”

11. § 25, imm. 6 imatut oqaasertalerneqassaaq:

” *Imm. 6.* Naalakkersuisut ersarinnerusunik malittarisassiussapput inissiisarnermut atatillugu aamma atuartunik imm. 4-mi eqqaaneqartuni angerlarsimaffinni inissiisarneq pillugu, aammalu kommunimit angerlarsimaffiusumit akiliuteqartarneq atuartup najugaqarneranut, kiisalu piunasaqaatinik minnerpaaffissaasunik atuartut atuartunut angerlarsimaffinni aamma atuartut ineqarfiini ineqartarnerannut tunngatillugu.”

12. § 31, imm. 1-imi imatut oqaasertalerneqassaaq:

”Atuartaasussaatitaaneq aallartissaaq atuarnarup aallartinnerani qaammatisiutit malillugit ukiumi meeqqap 6-inik ukioqalerfiani, taamaatissallunilu atuartup ukiuni qulini ataavartumik atuartinneqareerneratigut, taamaattoq tak. § 18, imm. 4”.

13. § 35, imm. 4-mi “§ 10, imm. 7”, “§ 10, imm. 8”-mut allanngortinneqassaaq.

14. § 36, imm. 3 imatut oqaasertalerneqassaaq:

” *Imm. 3.* Naalakkersuisut ilutigitillugu, kommunalbestyrelsip meeqqat atuarfiannik isumaginninnera nukittorsarniarlugu aamma nukinnik atorluaaneq sapinngisamik annertunerpaaq anguniarlugu, ilisimasanik eqiterineq, tamatumani aamma nalilersuinertigut

sunniutaasunillu uuttuineritigut aamma ilisimasanik siammarterineq isumagissavaat.”

15. § 43, imm. 2, nr. 3, imm. siullermi “§ 10. Imm. 7”, “§ 10, imm. 8”-mut allanngortinneqassaaq.

16. § 43, imm. 3 imatut oqaasertalerneqassaaq:

” Imm. 3. Kommunalbestyrelsip akuersissutigisarpai atuarfiit ilikkagassatut pilersaarutaannut ilassutit § 10, imm. 1-imi eqqaaneqartuni ilikkagassani aamma ilikkagassat iluini atuartsissutissani, atuarfiit siulersuisuinit ataasiakkaanit siunnersuutaasut tunngavigalugit, tak. § 47, imm. 9.”

17. § 47, imm. 3-mi, nr. 4 atorunnaarsinneqarpoq.

Nr. 5-12 taamaasilluni nr. 4-11-nngussapput.

18. § 47, stk. 9, imatut oqaasertalerneqassaaq:

” Imm. 9. Atuarfimmi siulersuisut kommunalbestyrelsimut siunnersuusiorsinnaapput atuarfiup ilikkagassanut pilersaarutaanut ilassutissanik § 10, imm. 1-imi ilikkagassani aamma ilikkagassat iluanni atuartsissutissanut tunngatillugu.”

19. § 53, imm. 2-mi “§ 10. Imm. 5”, “§ 10, imm. 6”-imut allanngortinneqassaaq.

20. § 53, imm. 3-mi “§ 10. Imm. 5 aamma 6”, “§ 10, imm. 6 aamma 7”-imut allanngortinneqassaaq.

21. § 53, imm. 5-imi “§ 10. Imm. 5 aamma 6”, “§ 10, imm. 6 aamma 7”-imut allanngortinneqassaaq.

§ 2

Inatsisartut inatsisaat atortuulissaaq ulloq 1. januar 2018, taamaattoq tak. imm. 2.

Imm. 2. Inatsisartut inatsisaanni nr. 1-8 atortuulissapput ulloq 1. august 2020.

Namminersorlutik Oqartussat, ulloq xx. xxx 2017

Kim Kielsen